

U G O V O R
ZA NABAVKU RAČUNARA I RAČUNARSKE OPREME ZA POTREBE
USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

„**FIXIT d.o.o.**“, Zaima Šarca br. 34, Sarajevo, koga zastupa Damjan Bandić, direktor (u daljem tekstu: **Isporučilac**).

Član 1.

Predmet ugovora je nabavka i isporuka računara i računarske opreme za potrebe Naručioca, prema sadržaju ponude broj 061216/MK002 od 6. decembra 2016. godine, a koja je sastavni dio ovog ugovora.

Član 2.

Cijena za nabavku iz člana 1. ovog ugovora definisana je u ponudi iz člana 1. ovog ugovora i iznosi 4.560,35 KM bez uračunatog PDV-a odnosno 5.335,61 KM sa uračunatim PDV-om.

Član 3.

Isporučilac se obavezuje da će izvršiti isporuku robe u skladu sa članom 1. ovog ugovora u prostorije Naručioca, najkasnije do 31. januara 2017. godine.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz ponude Isporučioca.

Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Sve troškove u vezi sa dostavom po ovom ugovoru snosi Isporučilac.

Član 6.

Isporučilac se obavezuje da osigura servisiranje robe koja je predmet ovog ugovora u garantnom roku navedenom u ponudi Isporučioaca.

Član 7.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 9.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.


ZA ISPORUČIOCA

ZA NARUČIOCA



Damjan Bandić
Damjan Bandić
Direktor

Sarajevo, 9.12.2016.
Broj: 606/16



Natasa Vuković
Natasa Vuković
Generalni sekretar
Ustavnog suda Bosne i Hercegovine

Sarajevo, 9.12.2016.
Broj: P3-712/15